

Na osnovu člana 90. Zakona o javnim nabavkama BiH („Službeni glasnik BiH“ broj 39/14.), a u skladu sa Odlukom dekana Građevinskog fakulteta Univerziteta u Sarajevu o direktnom sporazumu za pružanje usluga: Usluge popravaka, održavanja i srodne usluge za osobna računala, uredsku opremu, telekomunikacije i audiovizualnu opremu broj: 04-1-8-14-5/21. od 30.03.2021. godine,

**Građevinski fakultet Univerziteta u Sarajevu, UI. Patriotske lige broj 30, ID: 4200287770000, kojeg zastupa dekan prof. dr.Samir Dolarević, dipl. ing. građ, (u daljem tekstu: Naručilac usluga)**

i

**“EUROBIT” d.o.o. Sarajevo, ul.Derviša Numića br. 18a, ID: 4200467160005, kojeg zastupa Hasib Hadžibulić (u daljem tekstu: Izvršilac usluga)**

zaključuju

## **UGOVOR**

**o pružanju usluga popravaka, održavanja i srodne usluge za osobna računala, uredsku opremu, telekomunikacije i audiovizualnu opremu**

### **PREDMET UGOVORA**

#### **Član 1.**

Predmet ovog Ugovora je pružanje usluga popravaka, održavanja i srodne usluge za osobna računala, uredsku opremu, telekomunikacije i audiovizualnu opremu za Građevinski fakultet Univerziteta u Sarajevu u 2021. godini, prema Odluci o pokretanju postupka javne nabavke usluga putem direktnog sporazuma (Plan JN za 2021. godinu: Usluge popravaka, održavanja i srodne usluge za osobna računala, uredsku opremu, telekomunikacije i audiovizualnu opremu– usluge 2, JRJN 50300000-8), broj: 04-1-8-14-1/21 od 24.03.2021.godine i Ponude firme “EUROBIT” d.o.o. Sarajevo broj 02/2021 od 29.03.2021. godine, evidentirana kod ugovornog organa pod brojem: 04-1-8-14-3/21 od 30.03.2021. godine, koje su sastavni dio ovog ugovora.

#### **Član 2.**

Usluge iz člana 1. ovog Ugovora obuhvataju sljedeće:

- Održavanje IP centrex centrale – po radnom satu utrošenog vremena ovjerenom u radnom nalogu
- Održavanje IP telefona – po radnom satu utrošenog vremena ovjerenom u radnom nalogu
- Serviranje programa za računovodstvo i knjigovodstvo

### **CIJENA I NAČIN PLAĆANJA**

#### **Član 3.**

Ukupna cijena za predmetne usluge na godišnjem nivou za 2021. godinu iznosi do 5.952,00 KM (pethiljadadevetstotinapedesetdvije KM) bez PDV, odnosno 6.963,84 KM (šesthiljadadevetstotinašezdesettri 84/100 KM) sa PDV-om.

Jedinična cijena je fiksna. Plaćanje se vrši na osnovu ispostavljenog i ovjerenog računa. Plaćanje najkasnije u roku od 30 dana od dana ispostavljanja fakture.

#### **Član 4.**

Ugovorne strane su saglasne da će se plaćanje izvršiti nakon izvršene usluge, a prema potpisanom nalogu od strane ovlaštene osobe Građevinskog fakulteta, ispostavljanjem fakture od strane Izvršioca usluge.

Uz svaku fakturu prilažu se radni nalozi potpisani od strane tehničkog sekretara, osobe zadužene za osobna računala, uredsku opremu, telekomunikacije i audiovizualnu opremu, odnosno ovlaštenu osobu iz službe za računovodstvo i knjigovodstvo kod Naručioca.

Plaćanje se vrši na transakcijski račun Izvršioca broj. 1610000057230011 kod Raifeissen bank dd BH Sarajevo, sa pozivom na broj ovog Ugovora.

## **PRAVA I OBAVEZE UGOVORNIH STRANA**

### **Član 5.**

Izvršilac usluga se obavezuje da će usluge navedene u članu 2. ovog ugovora obavljati savjesno, stručno i kvalitetno, u skladu sa zahtjevima Naručioca usluga, odredbama ovog ugovora, te zakonskim propisima i pravilima struke. U slučaju neadekvatnog obavljanja ugovorenih usluga od strane osoblja Izvršioca usluga, Naručilac usluge ima pravo zatražiti drugu osobu na tim poslovima, a Izvršilac usluge se obavezuje tom zahtjevu odmah udovoljiti.

### **Član 6.**

Izvršilac usluga započinje s pružanjem ugovorenih usluga odmah po potpisu ovog Ugovora, a vrijedi do 31.12.2021. godine.

Izvršilac usluga se obavezuje obavljati ugovorene usluge u dogovorenim terminima.

### **Član 7.**

Izvršilac usluga je obavezan za svaku izvršenu uslugu voditi dokumentaciju, radni nalog i/ili zapisnik, koji po izvršenju usluge mora biti obostrano potpisan.

## **PRELAZNE I ZAVRŠNE ODREDBE**

### **Član 8.**

Dobavljač nema pravo zapošljavati, u svrhu izvršenja ugovora o javnoj nabavci, fizička ili pravna lica koja su učestvovala u pripremi tenderske dokumentacije ili su bila u svojstvu člana ili stručnog lica koje je angažirala Komisija za nabavke, najmanje šest mjeseci po zaključenju ugovora, odnosno od početka realizacije ugovora.

### **Član 9.**

Ugovorne strane mogu sporazumno otkazati ovaj ugovor, a svaka ugovorna strana može jednostrano otkazati ovaj ugovor uz otkazni rok od 30 dana od dana primitka otkaza.

Otkaz se daje u pisanom obliku i predaje se drugoj strani neposredno uz potpis ili poštom preporučeno.

U slučaju jednostranog otkaza, Izvršilac usluge ima pravo naplatiti obavljene u toku vremenskog zakupa printera do dana isteka otkaznog roka.

### **Član 10.**

Za sve što nije regulisano ovim ugovorom, primjenjuje se Zakona o obligacionim odnosima.

Ugovorne strane su saglasne da će eventualne sporove u pogledu primjene odredbi ovog Ugovora riješiti sporazumno, a ukoliko to ne bude moguće, nadležan je Općinski sud u Sarajevu.

Ukoliko sporazumno rješenje nije moguće, nadležan je sud u Sarajevu.

**Član 11.**

Ovaj ugovor je sačinjen u četiri (4) istovjetna primjerka, od kojih svaka ugovorna strana zadržava po dva (2) primjerka ugovora.

**Član 12.**

Ugovorne strane svojim potpisom potvrđuju da je u odredbama ovog ugovora sadržanja njihova stvarna volja, te u znak prihvatanja prava i obaveza koje iz ugovora proizilaze isti potpisuju.

**NARUČILAC USLUGA**  
Građevinski fakultet u Sarajevu

DEKAN  
Prof.dr.Samir Dolarević, dipl.ing.građ



Broj: 04-4-2-14-6/24  
Sarajevo, 31.03.2024

**IZVRŠILAC USLUGA**  
"EUROBIT" d.o.o. Sarajevo



Broj:  
Sarajevo,